

INICIJATIVA

Za formiranje **samostalnog strukovnog sindikata (SSS) doktora medicine i stomatologije JU DZ Kantona Sarajevo.**

Inicijativa podrazumijeva osnivanje skupštine strukovnog sindikata JU DZ KS, gdje bi bio izabran statut strukovnog sindikata doktora medicine i stomatologije, ciljevi rada, neposredni zadaci, srednjoročni i dugoročni ciljevi i zadaci, te rukovodstvo sindikata.

Razloziza organizovanje SSS dr med. i stom. su jednostavni:

1. Ubrzano nagomilavanje problema u zdravstvu u cjelini, ali prije svega pogledu socijalnog statusa ljekara, koji se rapidno pogoršava sa rastom troškova života u posljednjih nekoliko godina, a što se posebno odnosi na uposlenike Doma zdravlja Kantona Sarajevo

2. Notorna je činjenica da u zadnjih dvanaest godina prosječan lični dohodak doktora u Kantonu Sarajevo nije mijenjan, odnosno procentualno je smanjivan, i po tome smo, valjda, RARITET U SVIJETU, kao jedina esnafska organizacija kojoj nije mijenjan lični dohodak, preciznije: nije povećan u zadnjoj deceniji!

3. Prisutan je stalni odliv liječničkog kadra u inostranstvo, kao rezultat KATASTROFALNOG materijalnog statusa doktora u Kantonu Sarajevo (trenutno je to najslabiji status u F BiH, kada su u pitanju ukupna mjesečna primanja ljekara).

Inače, prema standardima u odnosu na broj stanovništva, radi samo jedna trećina potrebnog broja ljekara.

A opet, zbog preopterećenosti doktora, stanovništvu nismo u mogućnosti pružiti zdravstvenu uslugu koju očekuju i zaslužuju.

4. Sadašnji *status quo*, u kojem se cijeluproteklu deceniju ništa ne dešava, ali i ne rješava, podrazumijeva da SVI zdravstveni radnici, pa i ljekari stoje u mjestu, dok nosioci funkcija u zdravstvu broje funkcije, pozicije, komisije, mijenjaju dresove, vrše koruptivne radnje (dokazano i nedokazano), izvršavaju naloge „visoke politike“, a koja skoro u pravilu nije od interesa za zdravstvene radnike, umjesto da nam omoguće zaradu dostojnu profesije koju obavljamo i školovanja koje stoji iza nas.

Ko bi trebao da nas zaštiti, ako već dosadašnji sindikat nije, a decenijabez ikakvih pomaka to i potvrđuje?!

5. Mišljenja smo da bi formiranjem SSS doktora medicine i stomatologije, novi sindikat trebao postati partner menadžmentu JU DZ KS, te se izboriti za bolji radno-pravni status, sa posebnim osvrtom na materijalni status doktora.

6. To podrazumijeva da bi rad predsjedništva sindikata bio volonterski, a prvih nekoliko mjeseci se ne bi plaćala članarina.

Također, smatramo da bi ovo mogao biti nukleus formiranja kantonalnog SSS doktora medicine i stomatologije, nakon čega bi uslijedilo formiranje osnivačke skupštine.

Mi trebamo biti u sindikatu, ali kojem?

S poštovanjem.

Sarajevo, oktobar, 2013.